



Uhapšeno šest osoba zbog zločina u Krajini

Korak bliže Dudakoviću?

BANJALUKA - Pripadnici SIPA uhapsili su juče šestoricu bivših vojnih policajaca Petog korpusa tzv. Armije BiH zbog sumnje da su na području Bužima 1994. i 1995. godine počinili ratne zločine nad zarobljenim vojnicima i pristalicama nekadašnje Autonomne Pokrajine Zapadna Bosna!

Iz Tužilaštva BiH, po čijem nalogu je sprovedena akcija hapšenja osumnjičenih za zločine nad "autonomašima" Fikreta Abdića, saopšteno su inicijali uhapšenih, a Press saznaje da su na širem području Bužima i Bosanske Krupe slobode lišeni Zijad Nanić, Esad Kudelič, Hasan Mustafić, Semir Isaković, Nedžad Batić i Senad Salkić.

- Ova lica su privedena u službene prostorije SIPA gdje će, nakon kriminalističke obrade, biti predati Tužilaštvu BiH na daljnje postupanje - saopšteno je iz tužilaštva.

Rifat Dolić, predsjednik DNZ BiH, pozdravio je juče-rašnju akciju SIPA, ističući da vjeruje da to predstavlja još jedan korak bliže procesuiranju bivšeg komandanta Petog korpusa Atifa Dudakovića. Lider DNZ BiH za Press tvrdi da je uhapšena šestorka

odgovorna za smrt najmanje sedam zarobljenih pripadnika Narodne odbrane!

- Najzvučnije ime među uhapšenima je Zijad Nanić, ratni pomoćnik komandanta za bezbjednost 505. bužimske brigade, koji sada obavlja funkciju savjetnika načelnika opštine Bužim. Brojni preživjeli iz logora u kojima su zatvarani zarobljeni pripadnici Narodne odbrane AP Zapadna Bosna svjedočili su o stravičnim stvarima koje su se događale u motelu "Bužim", gdje su Nanić i ekipa mučili i zlostavljali ljude. Tamo je, između ostalog, zvjerski ubijeno najmanje sedam zatvorenika - kaže Dolić.

Lider DNZ BiH ističe da pravda neće biti zadovoljena sve dok za počinjene zločine na počnu da odgovaraju i direktni nalogodavci, koji su se, prema njegovim riječima, nalazili u Komandi Petog korpusa tzv. Armije BiH.

- Postoje brojni dokazi da je vrh Petog korpusa, odnosno njihov komandant Atif Dudaković, vrlo dobro znao šta se događa u logorima za zarobljene pristalice Autonomne Pokrajine Zapadna Bosna. Vjerujem da se istraga u vezi sa ovim zločinima neće zaustaviti samo na hapšenju neposrednih izvršilaca - poručuje Dolić. **B. K.**

